



天津交通銀行同
人俱樂部圖書室

跋

光緒戊子夏左君子栗臯仲哀輯其先太傅文襄公奏稿屬書霖
編次校勘至辛卯秋工蕝成咸豐十一年辛酉十二月訖光緒十
一年乙酉七月都六十四卷蓋公自咸豐庚申四月
詔以四品京堂襄辦軍務辛酉奉

命督師援浙始專摺奏事旋

授浙撫晉督閩浙婦盪粵賊調督陝甘平捻平回廓清關內外凡
兵饗及地方事宜罔不躬親料理奏疏未嘗倚辦幕賓與胡文忠
曾文正二公皆推當時大手筆迨光緒辛巳總督兩江年已七十
閒屬幕友起草而自加改削甲申督辦福建軍務則幕友所擬較

跋

多茲編所登凡出自公手而有關事實者雖夾片數行必錄幕府
所擬必經公修飾最多者始行編入尋常例摺一概從刪謝

恩諸摺另爲二卷不欲與言事之疏錯雜也自粵賊肇亂捻回苗
匪繼起糜爛幾徧天下吾楚忠義輩出皆能發抒抱負各有成就
而公忠體

國旋乾轉坤則斷推文忠文正及公爲三傑書霖不及見文忠每
讀其書想見其人慨慕不置其後親炙文正之門開雕遺集亦與
襄校而公冢嗣孝威與書霖同舉同治壬戌

恩科鄉榜光緒壬午夏以年家子謁公金陵節署閱識偉量略窺
梗槩茲復日手一編四易寒暑於公生平志事益洞悉其本原不

可謂非厚幸已書成敬志數語於簡末至公之功業獨有千古人所共知無俟書霖爲之揚摧也光緒壬辰仲春長沙楊書霖謹跋

跋

二

左文襄公謝摺總目

卷一

補授浙江巡撫謝 恩摺

寬免處分謝 恩摺

兒子孝威鄉試中式謝 恩摺

御賞福字荷包等項謝 恩摺

補授閩浙總督謝 恩摺

頒賜 顯廟詩文全集謝 恩摺

御賞福壽字荷包等項謝 恩摺

京察謝 恩摺

謝摺總目

賞加太子少保并 賞穿黃馬褂謝 恩摺

寬免處分謝 恩摺

御賞福壽字荷包等項謝 恩摺

錫封一等伯爵謝 恩摺

兒子孝威以廕生 賞加主事謝 恩摺

御賞福壽字荷包等項謝 恩摺

恩免察議謝 恩摺

捐備兵糈蒙 敕部從優議敘謝 恩摺

賞戴雙眼花翎謝 恩摺

錫封恪靖伯謝 恩摺

調補陝甘總督謝 恩摺

授爲 欽差大臣督辦陝甘軍務謝 恩摺

京察謝 恩摺

御賞福壽字荷包等項謝 恩摺

寬免嚴議并治罪謝 恩摺

御賞福壽字荷包等項謝 恩摺

開復處分謝 恩摺

賞加太子太保銜交部照一等軍功議敘謝 恩摺

賜紫禁城內騎馬謝 恩摺

御賞六十生辰物件謝 恩摺

謝摺總目

御賞福壽字荷包等項謝 恩摺

寬免議處謝 恩摺

卷二

御賞福壽字荷包等項謝 恩摺

京察謝 恩摺

賞假一箇月謝 恩摺

特補協辦大學士并 賞一等輕車都尉世職謝 恩摺

御賞福壽字謝 恩摺

交部從優議敘謝 恩摺

補授大學士仍畱陝甘總督任謝 恩摺

兒子孝威蒙 旌表孝行謝 恩摺

御賞福壽字謝 恩摺

御賞福壽字荷包等項謝 恩摺

京察謝 恩摺

御賞福壽字荷包等項謝 恩摺

御賞福壽字謝 恩摺

晉封二等侯爵謝 恩摺

御賞福壽字謝 恩摺

管理兵部事務在軍機大臣上并總理各國事務衙門行走

謝 恩摺

謝摺總目

賞假兩箇月謝 恩摺

補授兩江總督謝 恩摺

冢婦左賀氏蒙 旌表節孝謝 恩摺

京察謝 恩摺

賞假三箇月謝 恩摺

賞假兩箇月謝 恩摺

御賞福壽字謝 恩摺

恭謝 天恩瀝陳感悚下忱摺

軍機大臣上行走并管理神機營事務謝 恩摺

恭謝 天恩瀝陳感悚下忱摺

授爲 欽差大臣督辦福建軍務謝 恩摺

祇領 欽差大臣關防謝 恩摺

頒賜忠忱一德匾額謝 恩摺

御賞福壽字荷包等項謝 恩摺

京察謝 恩摺

恩准交卸回籍謝 恩摺

謝摺總目

左文襄公謝摺卷一

起同治元年壬戌正月訖
同治十一年壬申十二月

目錄

補授浙江巡撫謝 恩摺

寬免處分謝 恩摺

兒子孝威鄉試中式謝 恩摺

御賞福字荷包等項謝 恩摺

補授閩浙總督謝 恩摺

頒賜 顯廟詩文全集謝 恩摺

御賞福壽字荷包等項謝 恩摺

京察謝 恩摺

謝摺卷一目錄

賞加太子少保并 賞穿黃馬褂謝 恩摺

寬免處分謝 恩摺

御賞福壽字荷包等項謝 恩摺

錫封一等伯爵謝 恩摺

兒子孝威以廕生 賞加主事謝 恩摺

御賞福壽字荷包等項謝 恩摺

恩免察議謝 恩摺

捐備兵糈蒙 敕部從優議敘謝 恩摺

賞戴雙眼花翎謝 恩摺

錫封恪靖伯謝 恩摺

調補陝甘總督謝 恩摺

授爲 欽差大臣督辦陝甘軍務謝 恩摺

京察謝 恩摺

御賞福壽字荷包等項謝 恩摺

寬免嚴議并治罪謝 恩摺

御賞福壽字荷包等項謝 恩摺

開復處分謝 恩摺

賞加太子太保銜交部照一等軍功議敘謝 恩摺

賜紫禁城內騎馬謝 恩摺

御賞六十生辰物件謝 恩摺

謝摺卷一目錄

御賞福壽字荷包等項謝 恩摺

寬免議處謝 恩摺

補授浙江巡撫謝

恩摺

同治元年正月二十九日

奏爲恭謝

天恩事同治元年正月十七日浙江開化張村行營承准議政王軍機大臣字寄咸豐十一年十二月二十五日奉

上諭左宗棠已授浙江巡撫刻下計已抵浙著卽會合閩師分道進攻曾國藩飭令鮑超進攻甯國以便進規浙省爲左宗棠後路聲援是爲至要欽此跪誦之下感悚難名伏念臣湘水庸材韜鈴未習屬以羣盜縱橫勉襄戎事寸功未立遽忝猷班茲復蒙恩旨畀以危疆重寄自忖才識庸闇未由圖報涓埃

寵命驟頒感慚曷旣見在兩浙糜沸時事艱危謹當殫誠盡瘁奮

謝摺卷一

一

勵戎行隨同兩江督

臣曾國藩妥慎辦理稍求仰答

高厚鴻慈於萬一所有

微臣

感激下忱謹繕摺恭謝

天恩伏乞

皇上訓示謹 奏

議政王軍機大臣奉

旨知道了欽此

寬免處分謝

恩摺

同治元年閏八月十六日

奏爲恭謝

天恩事

臣

前因湖州府城不守附片奏請將

臣

交部嚴加議處

茲於八月二十七日承准議政王軍機大臣字寄同治元年七月二十六日奉

上諭湖郡雖係該撫統轄之地而隔於形勢無從救援情屬可原所請交部嚴議之處著加恩寬免其失守情形并趙景賢等下落卽著查明具奏欽此跪誦之下感悚難名伏念臣才識庸愚忝膺疆寄湖郡困守數月未能遣一旅之師由間道馳援卒致失陷負疚滋深迺蒙

謝摺卷一

二

聖恩不加嚴譴寬免處分深荷

逾格之鴻慈益覺涓埃之難報惟有督率所部迅掃賊氛以冀稍

贖前愆仰紓

宸廑所有

微臣

感激下忱謹繕摺恭謝

天恩伏乞

皇上聖鑒謹

奏

議政王軍機大臣奉

旨知道了欽此

兒子孝威鄉試中式謝

恩摺

同治元年九月十七日

奏爲恭謝

天恩事竊

臣

接閱湖南鄉試題名錄

臣

子孝威中式第三十二名

舉人當卽恭設香案望

闕叩頭虔謝

天恩伏念

臣

仰蒙

高厚起自草茅甫列卿班遂膺疆寄記壘簾之并奏歌鹿鳴而回

首卅年荷

倚畀之攸隆竭駑鈍而仔肩兩浙方矢涓埃於報

國敢期弓冶以傳家

臣

子孝威技陋雕蟲識慚窺豹年方十六桂

謝摺卷一

三

林侍厠乎羣芳運際初元蕊榜恭逢乎

盛會觀泥金而喜聞捷報喻琢玉而益勵潛修撫分滋慚循涯祗

懼惟有勉貽清白時勛義方訓守一經冀策小成於蛾術感深兩

世常邀

大造之

鴻施所有

微臣

感激下忱謹繕摺恭謝

天恩伏乞

皇上聖鑒謹

奏

議政王軍機大臣奉

旨知道了欽此

御賞福字荷包等項謝

恩摺

同治二年二月十三日

奏爲恭謝

天恩事同治二年正月十二日准兵部遞到議政王軍機大臣咨行齋奉單開交出年終

御賞福字一幅并荷包銀錢銀鏢食物等項

欽頌到臣謹卽恭設香案望

闕叩頭祇領欽惟

皇上福敷璇紐

道括珠囊

闡坤珍而銀甕延禧

謝摺卷一

隆鼎養而瓊饅飽

德迓

芝綸於

義畫鴻疇徵嚮五之祥仰

藻繪於

舜裳鶉處洽登三之盛奇琛畢萃藏山川而太府常充協氣旁流

駢水陸而萬方作貢

一人有慶兩浙承休臣音矢卷阿賡慙弗祿里居湘曲製愧荷清

錢江之潮汐應平銀濤競射甌越之芳甘待貢

玉饌蒙裁茲際春回渥邀

天貺捧

寶墨而螭文縵采出

尙方而魚袋增華

賜重瓊盤

恩濃金箸敢揚虎拜虔答

龍光從茲書上康平仰

辰極紹衣之治還冀節敦堅白勵寅寮素食之箴所有

微臣感激

忭幸下忱謹繕摺恭謝

天恩伏乞

皇上聖鑒謹 奏

謝摺卷一

議政王軍機大臣奉

旨知道了欽此

補授閩浙總督謝

恩摺

同治二年四月二十八日

奏爲恭謝

天恩仰祈

聖鑒事竊臣於四月初八日嚴州營次准兵部火票遞到同治二年三月十八日內閣奉

上諭閩浙總督著左宗棠補授仍兼署浙江巡撫欽此跪聆之下感悚難名四月廿四日准前督臣耆齡委護理督標中軍副將郭什春候補通判薛嶸恭齎福建浙江總督關防一顆福建鹽政印一顆到臣當卽恭設香案望

闕叩頭祇領任事伏念

臣

湘水庸材草茅下士讀書未通世務徒

竊虛聲學戰謬廁戎行鮮裨大局乃荷

先皇帝特達之知由舉人不次拔擢洵至正卿

皇帝御極之初復蒙

畀以封疆重寄方憂時事之艱未呈寸效更沐

溫綸之賁并綰雙符自顧何人膺茲

寵遇敢不竭忱盡瘁以期稍答

恩知惟念兩浙則瘡痍待起搶攘未遑入閩亦厝積堪虞綢繆宜

豫如

臣

駑鈍實懼弗勝幸閩撫

臣

徐宗幹於吏事一切矢志澄清

從前昏黷之風爲之稍息總督衙門例行事件仍由閩撫

臣代辦

可期無誤前督

臣

耆齡甫卸軍務目覩軍食匱乏情形自當整理

謝摺卷一

六

海關稅務力圖接濟臣惟虛衷商推共濟艱難其閩省軍務及一切緊要公事臣責重兼圻義無旁貸總期竭臣思慮所能及才力所可到者竭蹶圖維以求仰副

高厚生成於萬一所有微臣感激下忱謹繕摺恭謝天恩伏乞

皇上聖鑒訓示施行謹 奏

議政王軍機大臣奉

旨知道了欽此

謝摺卷一

頌賜 顯廟詩文全集謝

恩摺

同治二年九月二十日

奏爲恭謝

天恩事竊八月三十日臣在嚴州營次准兵部遞到

頌賜

文宗顯皇帝詩文全集謹卽恭設香案望

闕叩頭祇領跪誦之餘莫名欽感伏維

先皇帝皇猷卓越

聖德光明

於緝熙單厥心有嚴有翼

念終始典於學惟一惟精

謝摺卷一

軒敞靜怡

敕帝幾於紫綉

齋銘敬勝

傳寶訓於丹書詎知

旰食增勞遂至

天顏不豫

畱十一年之手澤

開億萬禩之心傳我

皇上芝籙丕承

蘿圖永紹誦

篇章而陳盛業述

志勤民法

文誥而闡

先猷思艱圖易全書彙勒萬世昭垂臣德荷生成學慚譴陋玉函
敬啟如聞

警教之在天金匱虔藏永頌

光華於復旦所有

微臣

感激下忱謹繕摺恭謝

天恩伏乞

皇上聖鑒謹 奏

議政王軍機大臣奉

謝摺卷一

旨知道了欽此

九

御賞福壽字荷包等項謝

恩摺

同治三年二月初二日

奏爲恭謝

天恩事同治三年正月十四日准兵部遞到議政王軍機大臣咨行齋奉單開交出年終

御賞福壽字各一幅并荷包銀錢銀鏢食物等項

欽頌到

臣

謹卽恭設香案望

闕叩頭祇領欽惟

皇上福基永紹

壽域宏開繪

藻采於

謝摺卷一

十

螭廷

龍章丕煥拜

芝綸於

鳳展魚袋同頌泉府延禧瑞靄金銀之氣瓊饒飽

德奇陳水陸之珍統十閩而共沐

恩膏忭舞上華封之祝靖兩浙而同安繡壤恬熙涵海甸之春

臣

忝荷

榮施祇承

寵錫捧雲霞而同慶

福海壽山被黼黻以增華鏤金錯采從此祥呈銀甕切頌禱於丹

忱長欽

饌賜玉盤勸官箴於素食所有微臣感激忭幸下忱謹繕摺恭謝
天恩伏乞

皇上聖鑒謹 奏

議政王軍機大臣奉

旨知道了欽此

謝摺卷一

十一

京察謝 恩摺 同治三年三月十五日

奏爲恭謝

天恩事竊臣於二月十六日准兵部火票遞到同治三年正月二

十三日內閣奉

上諭朕奉

慈安皇太后

慈禧皇太后懿旨三載考績爲國家激揚大典中外滿漢諸臣有能認真辦事克著勳勤者允宜特加甄敘其或衰庸不職亦必立予罷斥當茲多事未已朝野望治孔殷尤應黜陟幽明用彰旌別茲屆京察之期吏部開單題請自當詳審以爲舉錯閩浙總督兼

謝摺卷一

三

署浙江巡撫左宗棠自簡任封圻以來辦理軍務及地方事宜均能果敢嚴毅克復浙東郡縣卓著戰功著交部從優議敘欽此臣跪聆之下感悚交臻荷日贊於

九重

鴻麻敬迓亮時工於三考

鳳詔溫頌仰賴

皇威轄境競呈鏡吹特揚

鉅典菲材倖沐

旌褒晉錫祇承蹇駘彌懼伏念臣質慚樗櫟進自草茅服官逾從

政之年覲

光有待尚論慕近仁之質願學未能領兼圻而蟲負滋慙徂三載而蝟烝空詠深叨

陶鑄倍切冰兢欽惟我

皇上明彰四目

敬秉單心官必惟其人善則以爲寶

乘龍時御羣策咸備馳驅

紀鳳開祥百爾盡歸澄敝天河甲洗共依

日月之光

帝籙寅承長慶風雲之會臣惟有勤修職業時懷制心制事之箴

勉效賡颺期副

謝摺卷一

三

懋賞懋官之典所有感悚下忱謹繕摺恭謝

天恩伏乞

皇太后

皇上聖鑒謹 奏

議政王軍機大臣奉

旨知道了欽此

賞加太子少保并 賞穿黃馬褂謝 恩摺

同治三年四月二十日

奏為恭謝 天恩事竊臣於三月二十九日准兵部火票遞到同治三年三月十二日內閣奉

上諭左宗棠奏攻克杭州餘杭兩城一摺閩浙總督左宗棠自督辦浙省軍務以來連克各府州縣城池茲復將杭州省城餘杭縣城攻拔實屬調度有方著加恩賞加太子少保銜并賞穿黃馬褂欽此跪聆之下感悚交榮伏念臣一介寒儒未嫻軍旅謬膺重寄每鶉翼之時虞忝領兼圻尤蟲肩之滋懼茲仗

靈威遠播平鯨浪於錢江尙慙露報仍稽遺狼氛於霽水乃荷崇

謝摺卷一

四

銜特晉宮僚陪侍從之班并蒙

懋賞榮加采服煥章施之色仰

龍樓而詠德

芝誥祗承覩魚袋之增輝葵衷彌懷凡茲

恩光下逮實非寤寐所期自顧何能頻叨

異數惟有師中自勸勿忘攬轡之初心庶冀

泰運重開勉佐

垂裳之郵治所有微臣感激榮幸下忱謹繕摺恭謝

天恩伏乞

皇太后

皇上聖鑒謹 奏

議政王軍機大臣奉

旨知道了欽此

謝摺卷一

五



謝摺卷一

謝摺卷一

謝摺卷一

寬免處分謝 恩摺 同治三年十月十七日

奏爲恭謝

天恩仰祈

聖鑒事竊 臣於十月初一日欽奉九月二十三日

上諭左宗棠奏浙軍出境追剿連獲勝仗見籌勦辦情形一摺洪幼逆踉蹌逃走已極狼狽終必就擒左宗棠惟當督飭閩浙諸軍合力夾擊勿任漏網以竟全功所請交部議處著加恩寬免欽此跪聆之下感悚莫名伏念 臣未習韜鈴謬膺軍旅蠲烝三載轄疆幸就救平蟻聚一隅逆眾尙多狂逸雖八面早張

天網勿漏游魂而偏師竟失前禽終輸捷足負愆彌懷抱愧良深

謝摺卷一

六

迺蒙

皇上天恩寬免議處感

高厚之姑容益涓埃之難報惟有督飭諸軍迅圖剿辦盡掃餘氛

以冀稍紓

宸廑所有 微臣感悚下忱謹摺恭謝

天恩伏乞

皇太后

皇上聖鑒謹 奏

議政王軍機大臣奉

旨知道了欽此

御賞福壽字荷包等項謝

恩摺

同治四年正月
初六日

奏爲恭謝

天恩事同治三年十二月二十五日准兵部遞到議政王軍機大

臣咨行齋奉單開交出年終

御賞福壽字各一幅并荷包銀錢銀餽食物等項

欽頌到

臣謹卽恭設香案望

闕叩頭祇領欽惟

皇上福疇備五

壽寓登三

啟義畫以重申雲霞煥彩

謝摺卷一

垂舜裳而恭己

藻火流輝銀甕呈祥地寶

闡坤維之祕

玉饁在御

天廚分鼎養之隆徧垓埏而華祝嵩呼黃圖囊括統山海而川珍

嶽貢赤壤衢歌

臣忝任兼圻渥承

異貺仰

九重之錫羨高捧

龍文分五彩之彰施

寵同魚袋從此春臺利溥合閩山浙水以銘

恩長期夏貢書登共食德飲和而饗頌所有微臣感激忭幸下忱
謹繕摺恭謝

天恩伏乞

皇上聖鑒謹 奏

議政王軍機大臣奉

旨知道了欽此

謝摺卷一

大



旨朕恩下

諸列王軍機大臣奉

旨朕恩下

旨朕恩下

旨朕恩下

恩朕恩下

錫封一等伯爵謝

恩摺

同治四年正月二十八日

奏爲恭謝

天恩事竊臣前奉

諭旨錫封一等伯爵因

聖恩愈厚臣志難安會披瀝微忱懇請

允收成命茲於正月初八日齋到

批摺奉

旨知道了毋許固辭欽此跪聆之下感悚莫名伏念臣渥荷

殊恩拔從不次溯詩書於舊德家守遺經

賜弓矢以專征任兼秉鉞仗

謝摺卷一

九

皇威之遠播屬遺孽之生俘師克在和忝附太常之紀錄

賞加於世未容擲殿之辭封膺

晉錫而牙纛凝禧在師中而躬圭輯瑞長人曰伯深虞負荷於析

薪有

命自

天勉篤忠貞於累葉况帶礪榮邀

鉅典而橐鞬正效前驅賦袍澤於秦風修甲兵以偕作備屏藩於

周翰希申甫以宣勞臣惟有靖共益矢寵利不居以期仰答

高厚鴻慈於萬一所有微臣感悚榮幸下忱謹繕摺恭謝

天恩伏乞

皇太后

皇上聖鑒謹 奏

議政王軍機大臣奉

旨知道了欽此

謝摺卷一

三



皇太后
皇上聖鑒
議政王軍機大臣奉
旨知道了欽此

兒子孝威以廕生 賞加主事謝 恩摺同治四年四月二十六日

奏爲恭謝 天恩事竊臣接閱邸鈔同治四年三月初二日奉

上諭本日引見之正三品廕生左孝威著加恩以主事用欽此跪誦之下慚感難名伏念臣起家寒畯備位兼圻疊蒙高厚之

施愧乏涓埃之效茲臣子孝威復以正三品廕生蒙

恩賞加主事年逢射策入官遽廁乎六曹義忝析薪

異數祇承於兩世凡茲

恩光之下逮實皆寤想所難期微臣夙夜行間遺經未遑訓課弱

謝摺卷一

三

息追隨郎署從仕懼點班聯惟有時加教誨思清白以傳家庶冀奉以周旋抒寸丹而報

國所有微臣感激下忱謹繕摺恭謝

天恩伏乞

皇太后

皇上聖鑒謹 奏

軍機大臣奉

旨知道了欽此

御賞福壽字荷包等項謝

恩摺

同治五年正月二十日

奏爲恭謝

天恩事同治五年正月初七日准兵部遞到軍機大臣咨行齋奉單開交出年終

御賞福壽字各一幅并荷包銀錢銀鏢食物等項

欽頌到臣謹卽恭設香案望

闕叩頭祇領欽惟

皇上福備九如

壽膺三祝

義畫闡苞符之祕

謝摺卷一

三

舜裳脩藻火之儀慶衷蹠麟趾之呈祥地不愛寶羅嶽貢川珍而尙賸

聖以養賢臣忝任兼圻視師百粵際斗轉星躔之日正風馳露布之時嵩呼未廁乎

朝班

澤沛更當夫戎幄自

天錫報捧

瓊章而舞鳳聯輝被體有文垂玉藥而

賜魚增寵金心自矢勉期晚節之彌堅

玉食分頒更茲觀頤之貞吉從此熙春徧德合八閩兩浙而億兆

露

恩函夏無塵統六府三事而九功歌敘所有微臣感激忭幸下忱
謹繕摺恭謝

天恩伏乞

皇上聖鑒謹 奏

軍機大臣奉

旨知道了欽此

謝摺卷一

三

恩免察議謝恩摺

同治五年正月二十日

奏爲恭謝

天恩事竊臣於同治四年十月二十六日在漳州營次附驛覆陳

道員曾憲德考語前後歧異請

旨將臣交部察議一片十二月十五日在廣東大埔營次准兵部

火票遞回原片後開軍機大臣奉

旨知道了左宗棠著加恩免其察議欽此跪聆之下感悚莫名伏

念臣識乏知人情殷薦士以考績乃循

歲省之義鑑本宜空而籌邊尤爲時局所需瑜終難掩樹同溫室

竊恐宣白非宜材愧拘墟儼若雌黃有意未化迂牽之見致冒

謝摺卷一

宸嚴自貽疏脫之譏敢逃吏議乃蒙

皇上聖慈垂諒曲予優容審先後異考之有因念人地相需之屬

實仍邀

俞允并赦微愆臣惟有益切慎勤時加綜核冀仰答

高厚鴻慈於萬一所有微臣感悚下忱謹繕摺恭謝

天恩伏乞

皇上聖鑒謹奏

軍機大臣奉

旨知道了欽此

捐備兵糈蒙

敕部從優議敘謝

恩摺

同治五年三月初五日

奏爲恭謝

天恩仰祈

聖鑒事竊

臣

欽奉同治五年正月初二日

上諭徐宗幹奏捐銀籌備兵糈并隨營採辦軍營食米出力官紳分別請獎等語福州將軍英桂等倡捐銀兩發局籌備兵食尙屬急公英桂左宗棠均著交部從優議敘等因欽此伏思籌備兵民食米分應倡捐乃蒙

敕部從優議敘實切感慚臣惟有率同僚屬料量軍糧盡心民事以期仰副

謝摺卷一

三

高厚鴻慈於萬一所有

微臣

感激下忱謹繕摺恭謝

天恩伏乞

皇太后

皇上聖鑒謹

奏

軍機大臣奉

旨知道了欽此

賞戴雙眼花翎謝 恩摺 同治五年三月十三日

奏為恭謝

天恩仰祈

聖鑒事竊 臣於同治五年二月十二日興化楓亭途次准兵部火票遞到同治五年正月二十三日內閣奉

上諭閩浙總督左宗棠督辦軍務調度有方著賞戴雙眼花翎欽此跪讀之下莫名感悚伏念 臣才慚鳳翔遇慶鴻毛受

兩朝特達之知忝五等

褒封之列雲移扇尾遙賡

復旦於元辰星落旄頭幸合重圍於五嶺欽維我

謝摺卷一

美

皇上德符明兩

洽洽登三師克在和傳

命而雷霆一氣

德威惟畏銷兵而日月雙輝溯跳梁已十七年一旦竟無遺種計

解甲者 臣六省萬姓於以小安 臣仰稟

宸謨兼 臣羣力效馳驅於犬馬迄鮮微勞增光耀於蟬貂早驚非

分乃荷

溫綸下逮

異數頻加雙暈增華顧影媿鸞翔之度聯珠煥采感

恩同寵戴之誠登閩南校射之場雲朔輝映際嶺表旋軍之會露

冕爭看臣惟有志勵爲儀力殫舉羽仰

重華之光被全銷氛祲於八埏慶交泰之

昌期益矢涓埃於寸念所有微臣感激下忱謹繕摺恭謝

天恩伏乞

皇上聖鑒謹 奏

軍機大臣奉

旨知道了欽此

謝摺卷一

七

錫封恪靖伯謝 恩摺 同治五年七月十六日

奏爲恭謝

天恩仰祈 聖鑒事竊 臣 准吏部咨開內閣鈔出同治四年四月十四日具奏 賞會國藩等五員侯伯美名奉

御印印出左宗棠恪靖欽此補行知照前來跪聆之下感悚莫名 伏念 臣 渥荷

殊恩榮膺

錫爵憶重承乎

異命未容擲殿之辭封愧總制夫師干卽指延津而淬劔仗

謝摺卷一

美

皇威之遠播訖粵嶠而班師方欣唱凱於梅州珠江洗甲乃奉傳 宣於

芝陛

寶璽鈐硃稽班列而序次五侯沐

恩褒而榮踰一字恪之義同乎慤敢忘慤謹於寅衷靖之訓主乎 謀願竭謀猷於

辰告 臣 惟有慎勤益矢寵利不居以期仰答

高厚鴻慈於萬一所有 微臣 感悚下忱謹繕摺恭謝

天恩伏乞

皇太后

皇上聖鑒謹 奏

軍機大臣奉

旨知道了欽此

謝摺卷一

五

調補陝甘總督謝

恩摺

同治五年九月初八日

奏爲恭謝

天恩事

臣

於九月初六日承准軍機大臣字寄同治五年八月

十七日奉

上諭本日據楊岳斌奏才力不及病勢日增懇請開缺業經明降諭旨令左宗棠調補陝甘總督其閩浙總督令吳棠補授所遺漕運總督令張之萬調補并令蘇廷魁署理河東河道總督矣陝甘爲邊陲重鎮見當回氛甚熾楊岳斌於人地不甚相宜辦理未能有效眷顧西陲實深廬系左宗棠威望素著熟嫻韜略於軍務地方俱能措置裕如因特授爲陝甘總督以期迅埽回氛綏靖邊圉

謝摺卷一

三

該督於接奉諭旨後卽將閩浙印務交與英桂兼署迅卽馳赴新任悉心經理以慰系懷閩浙見雖平靖而營務吏治廢弛已久吳棠到任後務當認真整頓毋稍鬆懈欽此跪讀之下欽感莫名伏念_臣佔畢微儒軍旅之事素所未諳頻年盡瘁馳驅時虞不逮茲復蒙

皇上天恩特調西陲重鎮奉

命之下悚惕益深比卽檢點官書號召徒旅一俟經手諸事端緒

粗具卽當卸篆起程惟

微臣

自草茅擢任封圻從未入覲

天顏一聆

訓誨茲由閩中西上望

闕非遙仰懇

天恩許臣

陛見俾稍展瞻就微忱曷勝欣幸之至所有微臣感激下忱謹繕摺陳奏伏乞

皇太后

皇上聖鑒訓示謹 奏

軍機大臣奉

旨著來見欽此

謝摺卷一

授爲 欽差大臣督辦陝甘軍務謝 恩摺

同治六年一月初三日

奏爲恭謝

天恩仰祈

聖鑒事竊臣於正月二十五日漢陽橋口營次欽奉

上諭陝甘總督一等恪靖伯左宗棠著授爲欽差大臣督辦陝甘

軍務欽此二十六日准署湖廣督臣譚廷襄委員齎送關防前來

臣於營次恭設香案望

闕叩頭祇領啟用竊念微臣忝豫兵事頻年轉戰東南功無足錄

荷蒙

恩施稠疊報稱維艱屬以西戎未靖

謝摺卷一

三

特命移督陝甘復蒙

聖慈垂念事寄宜專

諭加督辦軍務茲更重承

優注畀以欽符自顧何人堪此重任拜

命之下感悚交縈見在所調各營已據各報開募起程計月之中

旬當可陸續抵鄂幫辦軍務三品卿銜臣劉典亦已函報開募屆

時當可成軍東下臣謹一面料理戎裝俟先到各營取齊點驗後

分起由陸路進發以免舟行濡滯屆時再當奏報行期以慰

慈廑至

寄諭查詢各件到西安後謹當據實覆陳所有微臣感悚下忱謹

繕摺叩謝

天恩伏乞

皇太后

皇上聖鑒謹 奏

軍機大臣奉

旨知道了欽此

謝摺卷一

三

京察謝

恩摺

同治六年二月二十日

奏爲恭謝

天恩事

臣

恭閱邸鈔同治六年正月二十三日奉

上諭朕奉

慈安皇太后

慈禧皇太后懿旨三載考績爲國家鉅典中外滿漢諸臣有能爲國宣勞勳猷卓著者允宜特予甄敘以示寵榮茲當京察屆期吏部開單題請陝甘總督左宗棠巖疆敷歷謀畫忠誠著交部從優議敘欽此跪聆之下感悚莫名伏念臣忝任兼圻已逾四載未有涓埃之答屢叨

謝摺卷一

一

高厚之恩治軍則總制鄰疆

錫爵則上儕侯服溯聞浙視師之日時慮曠官際雍涼多事之秋倍難稱職况京察爲激揚大典封圻尤委寄攸隆自顧輕材懼譏負乘乃荷

溫綸之眷注重邀

甄敘於

恩褒

臣

惟有盡瘁馳驅輸忱獻納以冀仰答

鴻慈於萬一所有

微臣

感悚下忱謹繕摺恭謝

天恩伏乞

皇太后

皇上聖鑒謹 奏

軍機大臣奉

旨知道了欽此

謝摺卷一

壹

御賞福壽字荷包等項謝

恩摺

同治六年二月二十四日

奏爲恭謝

天恩事同治六年二月二十一日准兵部遞到軍機大臣咨行齎奉單開交出年終

御賞福字加

賞壽字各一幅并荷包銀錢銀鏢食物等項

欽頌到

臣謹卽恭設香案望

闕叩頭祇領欽惟

皇上德符衢祝

慶叶嵩呼欽

謝摺卷一

美

恭已於

重華繡裳表度洽由庚於萬彙銀寶呈祥恰當鳳籥之將更普荷鴻施之下逮伏念臣師干忝總

翼命重膺方圖宣力於西陲渥荷

寵頒於

北闕自

天錫嘏仰瞻

義畫之輝煌惟

聖愛人特卜箕疇之康吉佩玉而魚緋映彩鏤金而裏趾成文從茲食德飲和益廣

皇仁於邊圉快覲輸琛納賚覃敷

文教於寰瀛所有微臣感激忭幸下忱謹繕摺恭謝

天恩伏乞

皇太后

皇上聖鑒謹 奏

軍機大臣奉

旨知道了欽此

謝摺卷一

七

寬免嚴議并治罪謝

恩摺

同治七年正月初六日

奏爲恭謝

天恩事竊臣前奉

諭旨左宗棠奏捻逆連陷延川綏德兩城自請嚴議一摺左宗棠著加恩改爲交部議處欽此旋因捻逆竄過黃河陳請從重治罪奉

上諭左宗棠已加恩改爲革職畱任所請從重治罪之處暫行寬免欽此跪聆之下愧悚難名伏念臣慶受

殊恩膺茲重任前次甯條梁失守已荷

特旨從寬免議茲復連失州縣致使逆氛闖入晉疆逼近畿甸自

謝摺卷一

美

問罪戾山積無可寬宥復蒙

皇上優容至再僅予薄懲凡兩次

逾格之

恩施實

微臣

夢想所不到惟有深加激勵勉策駑駘誓必殄此狂

氛以冀稍贖罪愆上酬

高厚所有

微臣

感激愧悚下忱謹繕摺恭謝

天恩伏乞

皇太后

皇上聖鑒謹 奏

軍機大臣奉

旨知道了欽此

謝摺卷一

完

御賞福壽字荷包等項謝

恩摺

同治七年正月初八日

天恩事同治六年十二月二十一日准兵部遞到軍機大臣咨行齋奉單開交出年終

御賞福字加

賞壽字各一幅并荷包銀錢銀鏤食物等項

欽頒到

臣

謹卽恭設香案望

闕叩頭祇頌伏念

臣

督師無狀

寬政頻邀方驚歲籥之頻更復與春祺之

普錫

箕疇疊賚如依

丹筆之光

宸膳榮頒益懷素餐之懼

聖德之包容至再遐方之金貢猶稽

微臣

惟有勉奮前驅力圖挽

蓋狼氛迅掃冀紓

宵衣旰食之憂鳳紀方新快觀華祝嵩呼之盛所有

微臣

感激忭

幸下忱謹繕摺恭謝

天恩伏乞

皇太后

皇上聖鑒謹

奏

軍機大臣奉

旨知道了欽此

謝摺卷一

空

臣等謹將下諭此

謝摺大臣奉

開復處分謝 恩摺同治七年七月十一日

奏爲恭謝

天恩仰祈

聖鑒事竊臣於七月初五日承准神機營行知七月初二日內閣奉

上諭本日據李鴻章英翰由六百里加緊馳奏官軍會剿捻逆全股蕩平大概情形各一摺覽奏深爲欣慰左宗棠縱賊出陝追剿尙屬迅速抵直隸後督軍截擊扼守運防亦頗嚴密著將該大臣迭次降革處分一併先行開復欽此跪讀之下慙感難名當卽恭設香案望

謝摺卷一

呈

闕叩頭恭謝

天恩伏念微臣軍符忝縮韜略未嫻屬秦隴之多艱兩支巨寇忽

并汾之告警遽失前禽戴罪星馳瞻

畿郊而每懷靡及總師月捷厯瀛莫而載賦同仇方憂巨憝稽誅

捫心難以自釋詎冀

殊恩普被折首共慶有嘉吉語遙傳人天懽喜

慈廕用慰瑕類蠲除重蒙

覆幬之施東歸猶懍載荷

生成之德西節仍持臣惟有盡瘁馳驅不遑燕息殫誠規畫用答

鴻施期明節制於

三驅冀協師中於九伐所有感激下忱謹繕摺叩謝

天恩伏乞

皇太后

皇上聖鑒訓示謹 奏

軍機大臣奉

旨知道了欽此

謝摺卷一

皇

賞加太子太保銜交部照一等軍功議敘謝
恩摺 同治七年七月二十九日
奏爲恭謝

天恩仰祈

聖鑒事同治七年七月二十四日內閣奉

上諭前因捻逆蕩平施恩在事諸臣賞加左宗棠太子太保銜并交部照一等軍功議敘茲據左宗棠奏稱追勦無功難以忝竊請收回成命覽其情詞甚爲懇摯惟國家論功行賞自有常經該大臣其勉效馳驅用副委任毋許固辭欽此跪誦之下感悚難名伏念 臣 忝總師干未嫻韜略仗

皇威之震疊幸奏膚公藉羣策之匡持克殲殘寇寸勞未效內顧

謝摺卷一

七

滋慙迺蒙

丹詔特頒

優加甄敘更得青宮備列

寵冠班聯 臣 何人斯膺茲

曠典惟有懷遵

聖諭益勵斐忱圖補救於方來俾拯火熱水深之患效馳驅而恐

後用體

宵衣旰食之心所有 微臣 感激下忱謹摺恭謝

天恩伏乞

皇太后

皇上聖鑒謹 奏

軍機大臣奉

旨知道了欽此

謝摺卷一

壹

賜紫禁城內騎馬謝 恩摺同治七年入

月十六日

奏爲恭謝

天恩仰祈

聖鑒事同治七年八月十二日內閣奉

上諭欽差大臣陝甘總督左宗棠著加恩在紫禁城內騎馬欽此

跪聆之下感悚難名竊臣才慚驥伏質類鴛庸蒙

異數之頻頒荷

聖慈之曲逮菲材自顧敢比績於騰驤

溫命特邀俾息勞於驂乘控花驄而代步論年齒則破格之

恩自草野以趨

謝摺卷一

與

朝視

廷臣爲蔑加之

寵伏念臣頻年轉戰勉效馳驅願每切於加鞭情尤殷於練騎惟

有奮興志氣冀奏龍媒絕特之助激勵戎行毋忘駟鐵孔羣之義

所有微臣感激下忱謹繕摺恭謝

天恩伏乞

皇太后

皇上聖鑒謹 奏

軍機大臣奉

旨知道了欽此

御賞六十生辰物件謝

恩摺

同治十年九月十九日

奏爲恭謝

天恩仰祈

聖鑒事同治十年九月十一日准兵部遞到軍機大臣咨行齋奉御賞陝甘總督左宗棠六十生辰物件單開

御筆旂常懋績扁一面

御筆福壽字各一張

佛一尊紫檀嵌玉如意一柄蟒袍面一件小卷吉綢八件湯綢八件

欽頌到臣謹卽恭設香案望

謝摺卷一

是

闕叩頭祇頌伏念臣丁年投筆午夜枕戈慙無成績可書久忝服戎之任仰賴

福威垂蔭凱奏金鏡尤期

壽豈延釐兵銷銅狄指揮如意登壇雖勛同袍擒縱攻心靖圍猶稽露布深維衰朽未答

昇平酒以馬齒漸增

鴻慈愈渥值杖鄉之初度叨

錫羨之隆施

日煥太常

威畫裛捷三之績雲飛

宸翰箕疇備嚮五之先瞻金粟之化身見壽者相摺玉芝而拜手
近

天子光華袞增榮

九陛仰

垂裳之治錦緋

疊賜三軍騰挾纘之歡

寵錫自

天悚惶無地受

恩逾重報稱彌難臣惟有勉效據鞍無忘伏櫪冀勒銘於邊塞長

獻祝於華封訓懷金人辰猶入告麾持鐵柄申令前驅際九月而

謝摺卷一

吳

授衣纘武續幽風之舊合四夷而賓服織皮回

禹甸之春期竭駑鈍之涓埃勉答

鴻施於萬一所有微臣感激榮幸下忱謹繕摺恭謝

天恩伏乞

皇太后

皇上聖鑒謹 奏

軍機大臣奉

旨知道了欽此

御賞福壽字荷包等項謝

恩摺

同治十一年正月二十一日

奏爲恭謝

天恩事同治十年十二月二十四日准兵部遞到軍機大臣咨行齋奉單開交出年終

御賞福字加

賞壽字各一幅并荷包銀錢銀鏹食物等項

欽頌到臣謹卽恭設香案望

闕叩頭祇領欽惟

皇上福自天申

壽延日午

謝摺卷一

九

義畫闌苞符之祕

舜裳垂藻火之儀慶裏蹠麟趾之呈祥地不愛寶羅嶽貢川珍而尙膳

聖以養賢臣忝領兼圻謬參軍政值斗轉星躔之日正風馳露布之時嵩呼未厠乎

朝班

天寵更頒於戎幄箕疇嚮五

鸞章煥日月之華

帝命錫三角袋繪星辰之彩仰泉刀於

禹鑄上幣承

恩分珍錯於

堯廚下忱飽

德敢揚虎拜用答

龍光從此仰託

福林益宏

壽寓佩赤囊之方略貢銀鏤於邊陲朝漠永清紆

聖主宵衣之慮西戎卽紱懷古人素食之箴所有

微臣

感激忭幸

下忱謹繕摺恭謝

天恩伏乞

皇上聖鑒謹

奏

謝摺卷一

幸

軍機大臣奉

旨知道了欽此

寬免議處謝

恩摺

同治十一年十一月十九日

奏爲恭謝

天恩仰祈

聖鑒事竊臣於同治十一年九月十九日由驛附奏奇營勇潰自請議處一片十月初十日奉

上諭楊世俊所部勇丁潰散情尙可原著免其置議左宗棠自請議處并著加恩寬免欽此跪讀之下慚感莫名當卽恭設香案望闕叩謝

天恩伏念

臣

久膺節鉞未飭師干前以隴頭移節調發填防竟致

馬首欲東倉皇返旆幾第七日之逐鵝鶴分飛幸爲一網之收驪

謝摺卷一

三

黃就列愧綢繆之未早空悚息以難安乃荷

聖慈曲蒙

鑒宥感深以惕望過所期臣惟有勉竭愚誠益明紀律日嚴申儆

懍節制於

三驅淨洗甲兵播

恩威於萬里稍伸鼇戴用答

鴻施所有

微臣

感激下忱謹繕摺恭謝

天恩伏乞

皇太后

皇上聖鑒謹

奏

軍機大臣奉

旨知道了欽此

謝摺卷一

三

